

Daim Ntawv Qhia Txog Qhov Tseeb #28C: Kev Siv FMLA Mus So Tu Ib Tug Neeg Twg Uas Yog Sawv Cev Ua Ib Leej Niam LLeej Txiv rau Koj Thaum Koj yog ib tug Me Nyuam Yaus

Txoj Cai Kev So Ntawm Tsev Neeg Thiab Muaj Mob (Family and Medical Leave Act, FMLA) muaj kev tiv thaiv txoj hauj lwm rau kev mus so tu ib tus neeg muaj mob hauv tsev neeg, muaj mob ntawm tus kheev, thiab tsev neeg muaj ib tug neeg mus ua tub rog.

Daim ntawv qhia qhov tseeb no piav qhia txog thaum cov neeg ua hauj lwm yuav siv txoj cai FMLA mus so tu ib tug neeg uas tsis yog leej niam leej txiv yug los sis tsis yog leejniam leej txiv raws txoj cai, tab sis yog tus neeg sawv cev ua ib leej niam leej txiv rau lawv thaum lawv yog me nyuam yaus.

NTSIG TXOG CAI FMLA

Txoj Cai FMLA muaj kev tiv thaiv cov neeg ua hauj lwm kom muaj feem mus so uas ua hauj lwm rau cov chaw hauj lwm txoj cai khoo thaum tsim nyog mus so tu tsev neeg thiab muaj mob nkeeg thiab yuav tsum tau txais kev pab cov nqi kuaj mob ib yam li thaum lawv tseem ua hauj lwm tsis tau mus so. FMLA kev mus so tej zaum yuav tsis them thaum mus so los sis yuav tsis siv tau rau tib lub caij mus so uas chaw ua hauj lwmmuaj kev them nyiaj rau sij hawm mus so. Cov neeg ua hauj lwm yuav tsum rov mus ua txoj hauj lwm qub los sis txoj hauj lwm txawv tsis ntau li txoj qub thaum lawv rov qab mus ua hauj lwm tom qab tau so raws li txoj cai FMLA.

Cov neeg ua hauj lwm uas mauj feem: Cov neeg ua hauj lwm muaj cai mus so yog tias lawv:

- ua hauj lwm rau ib lub chaw ua hauj lwm tau tsawg kawg yog 12 lub hlis lawm
- tau ua hauj lwm tsawg kawg yog 1,250 teev rau lub chaw ua hauj lwm ntawm 12 lub hlis ua ntej lawv yuav pib FMLA mus **thiab**
- ua hauj lwm rau ntawm ib lub chaw ua hauj lwm uas muaj 50 tus neeg ua hauj lwm nyob ib cheeb tsam 75 mais kev.

Cov chaw ua hauj lwm txoj cai khoo: Cov chaw ua hauj lwm txoj cai khoo raws li FMLA muaj xws li:

- Cov chaw ntiav neeg ua hauj lwm muaj txog 50 leej los sis ntau tshaj nyob rau 20 lub lim tiam los sis ntau tshaj nyob rau lub xyoo nyob lub xyoo no los sis lub xyoo dhau tas los
- Cov chaw laj kam tsoom fwm, suav nrog tsoom fwm qib siab, tsoom fwm xeev thiab tsoom fwm hauv zej zos, txawm tias yuav muaj cov neeg ua hauj lwm npaum li cas
- Cov chaw qhia kev kawm ntawv hauv zej zos, suav nrog cov pawg saib xyuas tsev kawm ntawv tsoom fwm, cov chaw kawm ntawv qib me nyuam me thiab tsev kawm ntawv theem nrab, thiab cov chaw kawm ntawv uas sau nyiaj qhia ntawv rau me nyuam yaus thiab theem nrab, txawm yuav muaj cov neeg ua hauj lwm pes tsawg leej los xij.

Txoj Cai FMLA tiv thaiv mus so hauj lwm yog:

- Lub caij tau ib tus me nyuam tsiab los sis tus neeg ua hauj lwm tau txais ib tug me nyuam yaus los tu ua yus me nyuam los sis coj los pab tu ub ntus.
- Qhov kev los tu ib tug me nyuam yaus, tu tus txij nkawm, los sis ib leej niam leej txiv uas nws muaj ib tug mob loj.
- Ib tug mob loj uas ua rau tus neeg ua hauj lwm tsis muaj peev xwm mus ua hauj lwm.
- Mus so vim hauv tsev neeg muaj neeg uas mus ua tub rog, muaj xws li
 - Kev mus so uas muaj xwm txheej ceev—mus so vim tsev neeg tus neeg yuav tau xa mus ua tub rog nyob txawv teb chaws
 - Kev mus so vim mus tu tsev neeg tus neeg ua tub rog —mus so tsev neeg ib tus neeg tab tom mus ua tub rog los sis yog qub tub rog uas raug mob loj los sis muaj mob

Yog xav paub ntau ntxiv txog txoj cai FMLA, mus saib ntawm Daim Ntawv Qhia Qhov Tseeb #28.

KEV MUS TU LEEJ NIAM LEEJ TXIV RAWLS LI TXOJ CAI FMLA

Txoj cai FMLA muaj kev tiv thaiv cov neeg ua hauj lwm los sis kev mus so tu leej niam leej txiv uas muaj mob nyaj, yog tag nro cov kev pab kom kaj siab. Nyob rau hauv txoj cai FMLA, leej niam leej txiv uas yog leej niam leej txiv yug tus neeg ua hauj lwm ntawd, leej niam leej txiv coj nws los tu loj hlob, leej niam leej txiv tshiab, los sis yog niam qhuav txiv qhuav, los sis sawv cev ua niam txiv rau tus neeg ua hauj lwm thaum nws tseem yog me nyuam yaus. Tus neeg sawv cev ua leej niam leej txiv txhais tau tias yog ib tug neeg muaj lub luag hauj lwm yam li leej niam los sis leej txiv.

Kev tau sawv cev ua lub luag hauj lwm leej niam leej txiv rau ib neeg ua hauj lwm thaum nws tseem yog ib tug me nyuam yaus, tug neeg yuav yuav tsum tau ua lub luag hauj lwm leej niam leej txiv rau tus neeg ua hauj lwm thaum nws tsis tau muaj hnuv nyoog 18 xyoo los sis muaj 18 xyoo lawm los sis laus dua thiab tsis muaj peev xwm tu nws tus kheej vim lub hlwb los sis lub cev xiam oob qhab. Yog xav paub ntxiv txog txoj cai FMLA mus so pab tu ib tug neeg xiam oob qhab, saib Daim Ntawv Qhia Qhov Tseeb 28K.

KEV SAWV CEV UA IB LEEJ NIAM LEEJ TXIV

Kev sawv cev ua ib leej niam leej txiv yog saib xyuas ib hnuv dhau ib hnuv los sis pab nyiaj txiag rau tus me nyuam yaus. Ib tug neeg uas tsis yog tus yug tus me nyuam los sis tsis yog niam txiv rawls txoj cai es sawv cev los ua leej niam leej txiv rau tus me nyuam yaus, tab sis xws li pog yawg los sis cov neeg txheeb ze, xws li nus muam, yuav muaj feem sawv cev lub luag hauj lwm no tau.

Cov nqe qhia tau tias ib tug neeg yog sawv cev ua leej niam leej txiv rau ib tug me nyuam yaus muaj xws li:

- hnuv nyoog ntawm tus me nyuam yaus
- qhov qhia tau tias tus me nyuam yaus tau kev vam kev pab yam li leej niam leej txiv
- cov nyiaj pab tu me nyuam, yog tias tau pab
- qhov kev sawv cev ua leej niam leej txiv ntau npaum lis cas uas yog lub luag hauj lwm tau ua niam thiab txiv rau tus me nyuam

Ntau ntxiv, qhov tseeb uas ib tug me nyuam yaus muaj leej niam leej txiv yug nws nyob rau tom tsev, los sis tag nrho leej niam thiab leej txiv, tsis muaj kev txwv tau ib tug neeg ua hauj lwm los sawv cevua leej niam leej txiv rau tus me nyuam yaus. Txoj cai FMLA tsis txwv txiav tias ib tug me nyuam yuav muaj puas tsawg tus leej niam leej txiv. Qhov tsheeb yuav qhia tau tias ib tug neeg sawv cev ua leej niam leej txiv rau tus neeg ua hauj lwm yog thaum nws tseem yog me nyuam yaus.

Piv txwv li:

- Ib tug neeg ua hauj lwm muaj ib tug phauj uas sawv cev tam li yog nws leej niam leej txiv rau ib ntus thaum nws tseem yog me nyuam yaus. Nws siv txoj cai FMLA mus so pab tu tus phauj thaum muaj ib tug mob loj raws li txoj cai FMLA.
- Ib tug neeg ua hauj lwm tus yawg tau sawv cev tam li leej niam leej txiv rau nws thaum nws pib loj hlob tuaj. Nws siv txoj cai FMLA mus so tu nws yawg thaum nws yawg kho mob pw hauv tsev kho mob tau ib lim tiam.
- Ib tug neeg ua hauj lwm siv txoj cai mus so tu ib tug tub rog los tu rau nws txiv tus khub yav nram ntej dhau los uas tau sawv cev tam li leej niam leej txiv rau tus neeg ua hauj lwm thaum nws tseem hluas.

Yog xav paub ntau ntxiv txog cov nqi kev qhia tus neeg sawv cev ua leej niam leej txiv rau txoj cai FMLA, saib nqe ntawv Administrator's Interpretation No. 2010-3. Yog xav paub ntau ntxiv txog kev siv txoj cai FMLA mus so tu ib tug me nyuam yaus thaum koj yog sawv cev ua leej niam leej txiv rau tus me nyuam tab sis tus me nyuam tsis yog koj yug los sis tsis yog leej niam leej txiv raws li txoj cai, saib rau txoj cai FMLA Daim Ntawv Qhia Qhov Tseeb #28B.

NTAUB NTAWV QHIA NTXIV**Cov Ntaub Ntawv hais txog Kev Sib Txheeb Ntawm Tsev Neeg**

Cov chaw ua hauj lwm yuav xav tau, tab sis kuj yuam tsis tau, yuav thov kom cov neeg ua hauj lwm muab ntaub ntawv qhia txog sib txheeb ntawm tsev neeg thaum lawv yuav xav siv txoj cai FMLA mus so tu ib tug neeg hauv tsev neeg. Cov neeg ua hauj lwm kuj tsuas yog sau ib nqe ntawv qhia tias yeej yog ib tse neeg sib txheeb muab rau lub chaw ua hauj lwm. Qhov ntawd yog kev xaiv ntawm tus neeg ua hauj lwm los sau ib nqe ntawv qhia yam yooj yim los sis muab lwm yam ntaub ntawv los qhia. Piv txwv li, ib tug neeg ua hauj lwm yuav qhia lub npe ntawm tus neeg sawv cev ua leej niam leej txiv thaum nws tseem yog me nyuam yaus, nrog rau cov ntaub ntawv piav meej txaus rau lub chaw ua hauj lwm kom paub tias tus neeg ntawd tau sawv cev ua leej niam leej txiv rau tus neeg ua hauj lwm.

COV KEV TIV THAIV NTXIV**Cov Cai Hauv Xeev**

Qee lub xeev muaj kev cai thiv thaiv kev mus so tu ib tus neeg hauv tsev neeg thiab kev mus so vim muaj mob nkeeg. Txoj cai FMLA tsis txwv cov neeg ua hauj lwm kom tau txais kev tiv thaiv ntawm lwm cov cai. Cov neeg ua hauj lwm muaj cai tau txais kev pab ntawm txhua cov cai uas siv tau.

Kev Tiv Thaiv los ntawm Kev Ua Pauj

Txoj cai FMLA yog tsoom fwv qhib siab ib txoj cai kev tiv thaiv neeg ua hauj lwm. Yuav txwv cov chaw ua hauj lwm tsis pub cuam tshuam, cheem, los sis txwv tsis pub siv txoj cai, tej kev muaj cais tiv thaiv ntawm txoj cai FMLA. Kev ua txhaum txoj cai FMLA los sis cov kev cai ntawm txoj cai FMLA yog kev cuam tshuam, kev khi, los sis txwv tsis pub siv txoj cai uas muaj kev tiv thaiv ntawm txoj cai FMLA. Yog xav paub ntau ntxi txog kev txwv lub chaw ua hauj lwm tsis pub cuam tshuam, saib hauv Daim Ntawv Qhia Qhov Tseeb #77B thiab Daim Ntawv Hais Txog Kev Pab 2022-2.

Kev Suaj Ntsuam Txoj Cai

Tsoom fwv lub chaw Saib Xyuas Nqi Dag Zog thiab Sij Hawm teg dej num yog los tswj txoj cai thiab suaj ntsuam txoj cai FMLA tiv thaiv cov neeg ua hauj lwm feem coob. Yog koj ntseeg tias tau muaj kev txhaum tsis raws li hauv txoj cai FMLA rau koj, koj muaj feem mus foob hais kev tsis tsis ncaj ncees rau tsoom fwv lub chaw Saib Xyuas Nqi Dag Zog thiab Sij Hawm los sis mus foob lub chaw ua hauj lwm rau tim tsev txiav txim plaub ntug. Cov neeg ua hauj lwm hauv xeev yuav muaj qee yam kev txwv txiav txog kev foob uas ntsig txog rau kev mus so muaj mob loj ntawm tus kheej. Feem coob cov neeg ua hauj lwm tsoom fwv qib siab thiab cov neeg ua hauj lwm hauv cov chaw nom tswv kuj tau kev tiv thaiv raws txoj cai tab sis yog saib xyuas los ntawm lub chaw U.S. Office of Personnel Management los sis nom tswv Congress.

Yog Xav Paub Ntxiv

Yog xav paub ntxiv, mus saib hauv www.dol.gov/fmla los sis hu rau peb tus xov tooj hu dawb thiab tus xov tooj kev pab: 866-487-9243.

Daim ntawv qhia txog qhov tseeb no muaj lub hom phiaj los muab qhov tseeb qhia rau zej tsoom sawv daws txog cov nqe kev cai muaj nyob rau hauv txoj cai lij choj los sis cov cai tswj fwm ntawm tsoom fwv; cov ntaub ntawv nthuav qhia no yuav tsis muaj lub zog thiab feem yuam siv txoj cai lij choj, tsis txhais tau tias muaj feem yuam rau zej tsoom sawv daws, thiab yuav yog txhais ib yam li cov ntaub ntawv uas teev tseg hauv txoj cai.